




欽定皇輿西域圖志

ル 5
104
20



凡 5
204
20



欽定皇輿西域圖志卷之三十六目錄

學校


安西州屬

鎮西府屬

迪化州屬

所錢支
有物那

欽定皇輿西域圖志 卷之三十六 目錄



欽定皇輿西域圖志卷之三十六

學校

臣等謹按西域土風剛勁。性桀黠。樂戰鬪。囿於習尙。教化不先。又其地與中土隔絕。流移僑寄所不及。詩書羽籥之盛。渺乎未有聞焉。粵稽兩漢。鄭吉班超之倫。都護經年。惟督率要約是務。一二屯田郵政外。修明化導。事弗暇爲。若有唐貞觀開元間。分裂四鎮。廣置羈縻州府。大都虛立名號。風教雖通。地實未歸版籍。間或希風慕

欽定皇朝西域圖志 卷三十六
義。時遣子弟入侍入學。而上國之衣冠禮樂。卒無由移置絕徼。以大耀於光明。此學校之制。宜爲紀外域者所罕詳也。我

聖朝化洽西濛。宏開疆索。農耕其野。商出其塗。招徠生息。民多秀良。巴爾庫勒。烏魯木齊諸境。喁喁向風。或附進額於安西三縣。或開義塾於迪化。寧邊二廳。固已人思振奮矣。爰於建置州郡之始。興學育才。以彰

盛治。璘璠炳蔚。千古一時。於焉仰數仞之

宮牆。秩兩丁之彝典。溢生徒於膠序。儲選造於閭閻。居斯土者。咸雍容焉。束帶結髮。以伋爲

國華。有殊榮也已。抑又思準回舊俗。其記載文字。竹木筆旁行之素。與內地不侔。而英敏秀出之姿。天稟未嘗或緹。且回民之舊居中土者。薰習變化。往往遊鄉校。登賢書。亦所在多有。茲際武功告成。文教遐被之餘。於商民流寓子弟有造者。栽培樂育以爲之倡。將俾傾心內面之侶。耳目濡染。歲月漸摩。潛移默率。鼓鐘於倫之化。且

遍西域而同歸也。豈不休哉。志學校第十三。

[Faded bleed-through text from the reverse side of the page]

欽定皇輿西域圖志卷之三十六

學校

安西州屬

安西州學

初為安西衛。柳溝衛。乾隆二年。准衛屬文武童
生就肅州應試。取進文武生員。附肅州學管轄。
八年于五衛適中之安西衛設衛學。統轄五衛
生員。二十年裁衛設安西府。後改設府學。三十
八年改州學。

文廟 乾隆二十五年建。

學官 學正一員。乾隆八年設教授一員。統轄五衛。三十八年教授缺裁。改設學正如今制。按學官互見官制門。後凡學官條俱互見。
學額 廩生四名。

增生四名。乾隆八年。五衛共設廩增各三名。二十四年設安西府學廩生二名。增生二名。淵泉縣學廩生二名。增生二名。三十八年裁縣改府爲州。各併設四名如今額。

歲試額進文童六名。

額進武童六名。

科試額進文童六名。乾隆二年安西柳溝二衛。與赤金靖逆沙州三衛。歲試取進文武生各十名。科試取進文生十名。二十五年設安西府學。淵泉縣學。歲試淵泉縣取進文武生各四名。撥入府學各二名。科試取進文生四名。撥入府學二名。三十八年裁縣改府爲州。併歸州學如今額。

玉門縣學

初爲赤金衛。靖逆衛。乾隆二年。准衛學文武童生就肅州應試。取進文武生員。附肅州學管轄。八年設衛學。二十四年裁衛。改玉門縣設縣學。文廟。乾隆二十五年建。

學官訓導一員。乾隆八年。赤金靖逆二衛。文武生員。統歸衛學教授管轄。二十四年設訓導。如今制。

學額廩生二名。

增生二名。乾隆八年。五衛共設廩增各三名。二十四年設玉門縣學。分設廩增如今額。

歲試額進文童六名。

額進武童六名。

科試額進文童六名。乾隆二年。赤金靖逆二衛。與安西柳溝沙州三衛。歲試取進文武生各十名。科試取進文生十名。二十五年改縣學。歲試取進文武生各四名。撥入安西府學。

各二名。科試取進文生四名。撥入安西府學
二名。三十八年歸併縣學如今額。

敦煌縣學

初爲沙州衛。乾隆二年准衛屬文武童生。就肅
州應試。取進文武生員。附肅州學管轄。八年設
衛學。二十四年裁衛。改敦煌縣設縣學。

文廟 乾隆二十五年建。

學官訓導一員。乾隆八年。沙州衛文武生員。
統歸衛學教授管轄。二十四年設訓導如今

學制。

學額廩生二名。

增生二名。乾隆八年。五衛共設廩增各
兼西三名。二十四年設敦煌縣學。分設廩增如今

額。

歲試額進文童六名。

額進武童六名。

科試額進文童六名。乾隆二年。沙州衛。與安

西柳溝赤金靖逆四衛。歲試取進文武生十

名。科試取進文生十名。二十五年設縣學。歲試取進文武生各四名。撥入安西府學各二名。科試取進文生四名。撥入安西府學二名。三十八年歸併縣學如今額。

鎮西府屬

鎮西府學

初為巴爾庫勒廳。准廳屬文武童生赴肅州考試。乾隆三十八年裁廳。改設鎮西府後。始設府學。

文廟 乾隆三十八年建。

學官教授一員。乾隆三十八年設。

學額廩生增生現缺。

歲試額進文童三名。

額進武童三名。

科試額進文童三名。乾隆三十八年。設府學

後。所屬宜禾縣撥入二名。奇臺縣撥入一名。

共如今額。

宜禾縣學

初為巴爾庫勒廳。制同前。乾隆三十八年裁廳。

改宜禾縣後。設縣學。

文廟。乾隆三十八年建。

學官訓導一員。乾隆三十八年設。

學額廩生增生現缺。

歲試額進文童四名。撥入府學二名。

額進武童四名。撥入府學二名。

科試額進文童四名。撥入府學二名。舊附肅

州考試。取進無定額。乾隆三十八年設縣學。

後。取進如今額。

奇臺縣學。

初為巴爾庫勒廳。乾隆三十八年改設宜禾縣

制見前。四十一年分宜禾西境為奇臺縣。設縣

學。

文廟。乾隆四十一年建。

學官訓導一員。乾隆四十一年設。

學額廩生增生現缺。

歲試額進文童四名。撥入府學一名。

額進武童四名。撥入府學一名。

科試額進文童四名。撥入府學一名。舊附肅

州考試。取進無定額。乾隆三十八年統歸宜
禾縣學額。四十一年設奇臺縣學後。取進如
今額。

考試事宜 初制陝甘學政。按臨肅州之前。密封
試題。行鎮西府。並巴爾庫勒道。局試。乾隆四十
一年巴爾庫勒道移駐迪化州。改鎮迪道。卽行
鎮西府局試。四十四年。改由學政將試題封送

駐防大臣。同鎮迪道考試。試卷封送學政。按額
取進。武童外場。初由巴爾庫勒道。會同巴爾庫
勒鎮考試。四十一年。改由鎮西府會同考試。四
十四年。改由駐防大臣。同鎮迪道考試。分別等
次。造冊。同內場試卷。送學政。按額取進。

按鎮西府自乾隆二十六年後。駐防兵丁招
徠戶口。生齒滋繁。觀文講射者日衆。于三十
八年。照迪化寧邊兩廳之例。專設學校。定額。
遴選如制。其廩增名額。俟人文日盛。再爲議

定。

迪化州屬

迪化州學

初為天山北烏魯木齊地。乾隆二十五年置迪

化廳。三十四年設廳學。三十八年裁廳。改為直

隸州。設州學。

文廟。乾隆三十八年建。

學官學正一員。乾隆三十四年初設廳學。文

武生員歸迪化廳管轄。三十八年改州學後。

設學官如今制。

學額廩生增生現缺。

歲試額進文童四名。

額進武童四名。

科試額進文童四名。乾隆三十四年設廳學。

定額取進。三十八年改州學。後如舊額。

昌吉縣學

初為天山北昌吉地。乾隆二十五年置寧邊廳。

三十四年設廳學。三十八年裁廳改為縣。設縣

學。

文廟 乾隆三十八年建。

〔學官〕訓導一員。乾隆三十四年初設廳學。文武生員歸寧邊廳管轄。三十八年改縣學後。設學官如今制。

〔學額〕廩生增生現缺。

歲試額進文童四名。

額進武童四名。

科試額進文童四名。乾隆三十四年設廳學。

定額取進。三十八年改縣學後如舊額。

阜康縣學

初為天山北特納格爾地。乾隆二十五年屬迪化廳。三十八年屬迪化州。四十一年分置阜康。設阜康縣學。如今制。

文廟 乾隆四十一年建。

〔學官〕訓導一員。乾隆四十一年分置縣學後。設學官如今制。

〔學額〕廩生增生現缺。

歲試額進文章四名。

額進武童四名。

科試額進文章四名。乾隆三十四年設迪化

廳學額後。即於額內取進。四十一年分設縣

學。始定如今額。

綏來縣學

初為天山北瑪那斯地。乾隆二十五年屬寧邊

廳三十八年屬昌吉縣。四十四年分置綏來縣。

設縣學如今制。

文廟 乾隆四十四年建。

學官 訓導一員。乾隆四十四年分置縣學後。

設學官如今制。

學額 廩生增生現缺。

歲試額進文章四名。

額進武童四名。

科試額進文章四名。乾隆三十四年設寧邊

廳學額後。即于額內取進。四十一年分設縣

學。始定如今額。

〔考試事宜〕初制陝甘學政按臨肅州之前。密封試題行鎮迪道局試。乾隆四十四年。改由學政將試題封送駐防大臣。同鎮迪道局試。試卷封送學政按額取進。武童外場均由駐防大臣同鎮迪道考試。分別等次造冊。並內場試卷。封送學政按額取進。

按迪化州。昌吉。阜康。綏來諸縣。舊爲烏魯木齊。昌吉。特納格爾。瑪那斯諸城。乾隆三十二年。因攜駐眷兵。招徠民戶中。俊秀輩出。各城

分設義塾。延師訓課。兼習騎射。兵民踴躍。造就多人。三十四年。初設迪化。寧邊兩廳學。三十八年。設迪化州學。昌吉縣學。四十一年。設阜康縣學。四十四年。設綏來縣學。以兩廳學。取進原額。歸迪化。昌吉兩學。阜康。綏來兩學。復如額取進。以符體制。其廩增名缺。俟人文加盛時。再爲議設。

〔北史高昌傳〕有毛詩論語孝經。置學官弟子以相教授。

馬端臨文獻通考漢明帝時期門羽林之士悉令通孝經章句匈奴亦遣子入學濟濟乎洋洋乎盛於永平矣唐太宗時高麗百濟新羅高昌吐蕃諸國會長亦遣子弟請入國學於是國學之內八千餘人中宗神龍時詔蕃王及可汗子孫願入學者附國子監讀書

按古者九州以外教化弗宣規制斯畧漢唐駕馭羈縻規模稍遠而通絕不常猶是分土分民之舊未聞建置學官是以紀載闕如逃

稽曩史惟遣子弟入學讀書間見於漢永明唐貞觀神龍朝未能多數若高昌置學官弟子相教授亦僅粗知誦譯蓋緣殊方風教不齊中土士民鮮有居遊其地移身家以長子孫者經營邊境之役方從事戰鬪行伍耕田畜牧之不暇何有於絃歌講肄乎茲當西域涵濡

聖化之餘中外一家版戶鱗集學校與州郡並建莘

恩體恤周至。凡應鄉會試諸生。照邊省例。許給驛馬赴考。昨歲丁酉秋闈。早有以迪化州通籍。歌鹿鳴而來者。由是感激奮興。科第蔚起。固北庭西海之間。伊古未逢之隆軌也已。

欽定皇輿西域圖志卷之三十六

欽定皇輿西域圖志卷之三十七目錄

封爵一

都爾伯特屬

綽羅斯屬

和碩特屬

輝特屬

土爾扈特屬

Blank page with vertical lines for text.

欽定皇輿西域圖志卷之三十七

封爵

臣等謹按周禮職方氏辨九服九州之外謂之蕃國。世壹見。蓋言蕃服肆覲。非甸男采衛比。是以寶貴為贄。既不同於輯瑞。而宮室車旗命卿立軍之制。均未遑及。則象寄狄韞所司。其不在五等之列明矣。漢唐侈語鴻圖。往往遣使册封。類祇順其國人所推。虛錫名號。宋元明以來。規模狹隘。典制缺如。析圭擔爵之榮。難與同風域。

外我

國家幅員廣遠

恩澤普汜。蒙古內札薩克。暨喀爾喀。青海。西藏諸部。

舊隸藩封。自親王郡王以下。貝勒貝子公。遞爲

差次。其

賜留汗號者。視王爵爲倍優。帶礪光榮。久已量侔

載矣。仰惟

聖天子德威遐播。式廓西陲。乾隆癸酉冬。都爾伯特

部伯克策凌。策凌烏巴什。策凌孟克等。款關內

面。爲準回諸部倡。嗣是輝特。和碩特。鱗集麇至。

爰乘時會。

簡將帥。以新附爲前驅。當

王師入境伊始。壺漿載道。綽羅斯諸台吉。以巨族率

先迎附。雨行風偃。不動戈鋌。衛拉全疆。統歸涵

宥。迨乾隆辛卯。土爾扈特部。復自西北萬里外。

率屬偕來。由是準屬人民。無一不霑醲化。統觀

慕義歸仁之全局。大無外而應自然。固已曠古

罕倫。我

皇上天地為懷。班爵錫封。其於忠謹壹節。從征勦力者。承襲

恩榮。世及弗替。若回部舊爵之在哈密。土爾番者。及新附之留依京邸者。以前此五年式集兩勳。山南城郭諸境。胥隸版籍。爰並為編載。用著衣冠王會之盛。句臚備列九賓。無間於殊方遠徼。猗歟盛哉。志封爵第十四。

欽定皇輿西域圖志卷之三十七

封爵一節其略王儲王貝輝貝千公滿爾以大都爾伯特屬

按四衛拉特次序。舊首綽羅斯。次都爾伯特。和碩特。土爾扈特。因土爾扈特他徙。附以輝特。茲敘封爵。以都爾伯特歸誠最先。忠謹自保。爰為首敘。次及綽羅斯。和碩特。輝特。平定西域後十年。土爾扈特來歸。故敘於後。於是新舊四衛拉特始全。至都爾伯特台吉策凌。

首先內附。特封汗號。爲聞風歸來諸部倡。至
今承襲罔替。其綽羅斯部之噶爾藏多爾濟。
和碩特部之沙克都爾曼濟。輝特部之巴雅
爾。雖同時封汗。而旋因攜貳。自卽誅夷。汗號
並除。若土爾扈特部之渥巴錫。則嘉其遠域
歸順。且係舊汗阿玉奇之後。俾襲汗號。而錫
以新名。用昭優異。爲按屬分編。詳注各條下
以備考。其親王。郡王。貝勒。貝子。公諸爵。以次
遞敘。父子兄弟承襲者。各隨條接敘。爲例云。

乾隆十八年冬。準噶爾都爾伯特部。台吉策凌
等率衆內附。十九年五月。

覲於熱河。

詔封爵宴賚有差。均授爲札薩克。俾還安游牧。移其

部於阿爾台

今改對音
阿勒坦

山北。凡都爾伯特部。先

後受封及襲封者。備登如左。

策凌。初封和碩親王。加雙俸。晉封特古斯古魯

克汗。卒。子索諾木古木布襲封。

策凌烏巴什。初封多羅郡王。晉封和碩親王。

伯什阿噶什。封和碩親王。

納默庫。初封多羅郡王。晉封和碩親王。

策凌孟克。初封多羅貝勒。晉封多羅郡王。卒。子

巴雅勒當襲封。卒。弟伯斯和勒襲封。

色布騰。封多羅貝勒。加郡王品級。卒。子巴桑襲

封多羅貝勒。

巴圖博羅特。封多羅貝勒。

剛多爾濟。封多羅貝勒。

喇嘛札布。封多羅貝勒。

根敦。封固山貝子。

洛壘原端。封固山貝子。

額爾得尼。封固山貝子。

班珠爾。封固山貝子。卒。嗣子奇達襲封。

布圖克森。封固山貝子。

孟克特木爾。封固山貝子。

瑪什巴圖。初封輔國公。晉封固山貝子。

烏巴什。封固山貝子。

達木巴都噶爾。封固山貝子。

巴圖孟克封輔國公。

剛封輔國公。

布顏特古斯封輔國公。卒。子塞楞襲封。

孟克博羅特封輔國公。

按諸藩列爵舊制。和碩親王。多羅郡王。多羅

貝勒。固山貝子。鎮國公。輔國公。凡六等。有

賜稱爲汗者。視王爵加優。志

特恩也。茲準噶爾新附封爵。無鎮國公。自親王以下

及優封汗號。如舊制。綽羅斯以下諸屬同。

綽羅斯屬

乾隆二十年三月。準噶爾綽羅斯部台吉噶爾

藏多爾濟等率屬內附。九月

覲於熱河。

詔封爵宴賚有差。均授爲札薩克。十一月。達瓦齊俘

至。宥罪加

恩。備藩京邸。澤及世嗣。爲臚敘於左。

噶爾藏多爾濟封綽羅斯汗。爲札那噶爾布所

殺。

達瓦齊。封和碩親王。卒。長子羅布札。降襲多羅

郡王。以罪除。次子富塔喜。降襲多羅貝勒。

諾爾布林沁。封多羅郡王。

札那噶爾布。封多羅貝勒。以叛誅。

碩爾錐音。初授騎都尉世職。晉封輔國公。以罪除。

哈薩克錫喇。初授騎都尉世職。晉封輔國公。以罪除。

布庫察罕。封輔國公。以叛誅。

尼瑪。初授騎都尉世職。封輔國公。以叛誅。

薩拉爾。封一等公。晉號超勇。以罪除。後復封超

士勇伯。卒。子玉魯斯襲封。以罪除。

瑪木特。封三等公。晉號信勇。

按外藩錫封。舊無伯爵。薩拉爾以軍功承曠

典。在五十功臣列。繪像

紫光閣。並荷

睿裁製贊。邀榮尤至云。

和碩特屬

乾隆十九年七月。準噶爾和碩特部台吉班珠爾等率屬內附。十一月。

覲於熱河。

詔封爵宴賚有差。均授為札薩克。二十年九月。台吉

沙克都爾曼濟等八

覲。亦封爵有差。三十六年。吉台公格。巴延楚克等。隨

土爾扈特部來歸。並蒙

恩錫。為彙著於編。

沙克都爾曼濟。封和碩特汗。以罪誅。

班珠爾。初封多羅郡王。晉封和碩親王。

圖們。封多羅貝勒。以罪誅。

諾爾布敦多布。封多羅貝勒。卒。子博爾和津襲。

以罪除。

公格。封多羅貝勒。卒。子德勒克渥巴錫襲封。

納噶札。初封輔國公。晉封固山貝子。卒。弟達克

巴降襲輔國公。卒。弟巴爾濟襲封。

巴延楚克。封固山貝子。

色布騰。封輔國公。

諾爾布封輔國公。卒。子達瓦藏布襲封。

諾爾布敦多克封輔國公。

達瓦封輔國公。卒。弟巴雅拉呼襲封。

按沙克都爾曼濟於投誠受封汗號後。命爲盟長。居全部於巴爾庫勒。其子圖們亦率屬由裕勒都斯來歸。並加封賚。沐

恩深至。自應恭順倍加。以冀永邀

渥澤。迺際準夷餘孽擾亂之餘。漸彰窺伺驕蹇之狀。

在事臣工仰承

睿照。先事防閑。因形迹之可疑。折萌芽於未發。應機立斷。並就誅夷。雨露雷霆。隨物以付。眎大造之因材而篤。夫豈有異理歟。

輝特屬

乾隆十九年七月。準噶爾輝特部台吉阿睦爾撒納等率衆內附。十一月。

覲於熱河。

詔封爵宴賚有差。均授爲札薩克。二十年九月。巴雅爾等入

金定皇朝西征圖志 卷三十七
觀亦封賚有差。

阿睦爾撒納封和碩親王。加雙俸。護衛倍添。子封世子。尋以叛除。伏冥誅。

巴雅爾封輝特汗。以叛誅。

齊木庫爾初封多羅貝勒。晉封多羅郡王。卒。子

策卜登多爾濟襲封。以罪除。

札木參封多羅貝勒。

普爾普初封固山貝子。晉封多羅貝勒。以罪除。

德濟特封固山貝子。以罪除。

克什克封固山貝子。以罪除。

和通額默根封輔國公。卒。子瑪瑪襲封。

根敦札布封輔國公。

古木札布封輔國公。

巴桑封輔國公。以罪除。

布魯爾封輔國公。

按四衛拉特台吉。於乾隆甲戌乙亥間。先後歸誠。我

皇上渥典普加。原無異視。始意分封四汗。固將概予

矜全。乃阿睦爾撒納。覬為總吉台不果。負

恩背叛。無復人心。而綽羅斯。和碩特。輝特。諸台吉。大

都狙詐反覆。自即淪夷。惟都爾伯特屬。堅心

內面。始終一節。以忠謹獨存。由是爵遍於朝。

賞延以世。實與

大造同此帡幪。而中外初無歧視也。若達瓦齊未抗顏

行。以降王備藩邸第。而識時早歸之薩拉爾。

則嘉其從征勦力。俾功存旗鼎。貌炳丹青。

聖主栽培矜宥之權衡。有超出尋常萬萬者。而諸人

得仰沐

恩榮。垂芳

盛世。是又千載一時之幸也夫。

土爾扈特屬

準噶爾土爾扈特部。為舊四衛拉特之一。其汗

和鄂爾勒克。當巴圖魯渾台吉時。與三衛拉特

不和。率其子書庫爾岱青西北去。居俄羅斯之

額濟勒地。其曾孫阿玉奇留居故地。後書庫爾

岱青自西藏還。以阿玉奇去。時策妄阿喇布坦。

復逐其子散札布歸額濟勒。其地南限哈薩克。

東阻俄羅斯。久慕

國家聲教不得通。及阿玉奇子敦魯布喇什為汗

時。於乾隆十九年。遣使假道俄羅斯。二十一年

達中國。朝

京師。

賜宴。並令赴西藏熬茶。三十六年。其汗渥巴錫率屬

內附。

覲於木蘭。隨圍觀獵。復隨至

山莊。

詔封爵錫賚有差。如都爾伯特諸部例云。

渥巴錫。封土爾扈特卓里克圖汗。卒。子策凌納

木札爾襲封。

策伯克多爾濟。封和碩親王。

舍楞。封多羅郡王。

巴木巴爾。封多羅郡王。卒。子策楞德勒克襲封。

謨們圖。封多羅貝勒。

旺丹。封固山貝子。

奇布坦封固山貝子。

額墨根渥巴錫封固山貝子。卒。子公坦襲封。

沙拉扣肯封固山貝子。

拜濟呼封輔國公。

按土爾扈特渥巴錫等以其部衆三萬餘戶行經萬有餘里。不藉招徠。款關內附。我

皇上錫爵分封。給廩餼。資耕牧。綏遐柔遠。無隱弗周。由是四衛拉特。均隸臣僕。垂無外之鴻業。洵非人力所及。幾者矣。同時受貝勒。貝子封者。

和碩特台吉公格。巴延楚克。析係前和碩特

屬條以清部居。茲不複載。

御製至避暑山莊日都爾伯特台吉策凌等接見

甲戌

路左傾誠候屬車來歸。憐遠自員渠識時稱傑。惟嘉爾敷德賓。遐何有予錫爵。都教加袞服。賜殮還擬賦嘉魚。一家中外歡言暢。底事周官藉象胥。

御製流杯亭小宴都爾伯特親王策凌等

甲戌

宛轉清流繞石渠。羽觴小宴款康居。呼前手賜笑言接喜可身循禮法。初荒畧從來事。杯飲傾誠那解飾。

虛譽褒蹶錦段頒中禁滿載歸教艷拂廬

御製宴都爾伯特親王策凌郡王策凌烏巴什等於

萬樹園詩以紀事 甲戌

萬樹參天煥曙霞穹廬酒醴樂柔遐薰風五月偏含
爽湛露三巡共拜嘉

天與人歸寧可拒茅分爵錫自應加徵招應律歡情洽

試聽編鐘設虞牙

渠搜何必鎮天驕來賀傾誠不憚遙外廐馬為中廐

獻新賓人併舊賓邀 時四十九旗扎薩克并青海諸
部王公台吉畢集行在皆令入

宴 鑲鑄自可隨方俗冠服同教式本朝 策凌等入觀
後即賚以冠

服俱從本朝之制 避暑匪今厘惠遠千秋

家法仰

仁堯

御製準噶爾輝特部台吉阿睦爾撒納歸誠信至詩

以紀事 甲戌

惠逮條枝宴賚陪 駐避暑山莊賜宴都爾伯特台吉
策凌等封以王公等爵命返游牧

烏孫又報挈羣來敢云德化俾苗格信是

天恩致宇恢重賞崇封吾豈靳推心置腹彼何猜山莊

計日應重到將以冬月復臨

深意當年萬載培

御製至避暑山莊日輝特台吉阿睦爾撒納等接見

甲戌

冬節山莊此重去聲尋衝寒為慰遠藩心開疆擴土非

吾志機輓人歸藉

帝

臨朕自登極以來初無用兵意邇年準夷內亂篡奪

服詰朝寵錫易華簪薰風五月員渠宴壁上詩箋一

後接踵既當為降人籌久長計且實迎蹕翹瞻猶卉

再吟

御製錫封輝特親王阿睦爾撒納等謝恩朝見詩以

紀事甲戌

初秋款塞栢冬權山館來迎表寸丹阿睦爾撒納以

觀朕因其未出痘命俟中國懷柔寧過厚遠人禮數

且從寬乍瞻大典身猶踖得厠親藩意倍歡阿睦爾

來歸附渠長二十餘人各錫郡王貝勒公寵示諸侯

王上位漢家終是畏呼韓

御製賜宴輝特親王阿睦爾撒納等詩以紀事甲戌

黃幄高張宴析支懷音內面後先隨敷文底事稱千

羽施惠何難與解推疆場都欣効奔走命阿睦爾撒

營以來年出衣冠已與習威儀來歸諸台吉皆賜冠

晚來燈景還教預恰值冰輪正滿時是日仲冬之望

御製卽事 甲戌

松塢雲莊往復還新藩三接卻餘閒歸心底限窮邊

外繼踵頻來數月間今年兩至熱河五月中歸誠之

恩燕賚錫爵有差比輝特台吉阿睦爾撒納繼至復

以冬至後駐山莊受朝錫賚如初頃烏梁海宰桑馮

木特等降附則因其已便擬皇風浹西海果然積雪

看南山南山積雪為三十六景之一舊屢聽萬景供

吟凭冰磴寒林懶試攀

御製準噶爾台吉噶爾藏多爾濟歸化信至詩以紀

事 乙亥

呼偈披忱寵賜新夙沙交臂又來賓命師底用張三

伐西北兩路所用薩拉爾阿睦爾撒率之而己本欲

以餘力舉之故碼牙命安遠惟因恤兆人先是檄諭

將諸典禮皆未舉行罪瓦齊人遠近聞風傾附耕者不變咸慶來蘇

音來禁苑還期鞠旅共賢臣水西流處均東面

天佑欽承倍敬寅

御製駐蹕興安綽羅斯台吉噶爾藏多爾濟等來謁

詩以紀事 乙亥

定遠非勞一矢加仰流鱗集不辭遐烏孫歸去新蒙

號鱗得頻來共拜嘉開宴旋當賚黼黻 俟至熱河合

王台吉普加宴賚賜新至扈圍先此賜駟駟朝家獵

狩應教預漫擬長楊事大誇

御製命噶爾藏多爾濟諸台吉隨圍卽事得句 乙亥

懷惠無勞詠匪茹橐韃左右聽相於底須巖巖椽爲

弋自有新安周作陸子弟三韓善枉矢後先四部讐

穿鑿 厄魯特四姓又謂 山莊指日旋清蹕凱宴還賡

零露滑

御製宴噶爾藏多爾濟等卽席得句 乙亥

風清日朗好秋時嘉會新藩式燕儀衆建一如札薩

克悉臣今逮綽羅斯 四衛拉特特羅氏爲彼中正

爾濟爲綽羅斯汗其餘王公及扎薩以 露瀼畢令

次分封一如喀爾喀及內四十九旗之制 閱九枝 是夕陳烟 詎我懷柔能致遠 是 月上仍教

閱九枝 是夕陳烟 詎我懷柔能致遠

神堯威惠萬年垂

御製都爾伯特台吉伯什阿噶什來覲封為親王詩

以紀事 丙子

來歸就弟兄

前年來歸之策凌策凌兄弟

嚮化慕簪纓不

作逆天黨

伯什阿噶什曾于軍營告逆賊阿睦爾撒納反謀叛逆招之不赴

惟殷捧

日誠用茲嘉乃績便與錫殊榮式戒蝟蟾沸永遵帶

礪盟

御製萬樹園宴都爾伯特親王伯什阿噶什及土爾

扈特使臣吹札卜卽席得句

丙子

碧霄晴旭曉光澄穹幕高張翠毳毼禮法不拘從所
習友羣何礙集相仍捧盈常切予心懼奠遠惟欽

祖德憑萬樹清暉懸

聖日未曾可識昔猶曾

御製萬樹園賜都爾伯特親王伯什阿噶什及土爾

扈特來使觀燈

丙子

鱗集來王有後先堅昆馳使又踪連衢尊錫宴前朝
洽寶炬裝燈午夜妍銀燕火蛾紛樹下驚麇駭鹿避
崖巔侈觀詎為跨遐屬詔爽光明示別權

御製宴土爾扈特使臣 丙子

烏孫別種限羅義 為土爾扈特亦準噶爾厄魯特也舊

爾伯特日和碩特曰土爾扈特全策妄阿拉布坦時與

土爾扈特構費土爾扈特全策妄阿拉布坦時與

一衛拉特故今土爾扈特南則限于薩克東則限

於俄羅斯欲至中國必假道于俄羅斯又

羅又 假道崎嶇歲月賒 起程今始至 天闕不辭欽獻

書雪山何礙許熬茶 蒙古以詣西藏熬茶 覆幬誰可

殊圓蓋中外由來本一家彼以誠輸此誠惠無心蜀

望更勤遐 御製伊犁將軍奏土爾扈特汗渥巴錫率全部歸順

詩以誌事 有辛卯序

伊犁將軍伊勒圖等奏土爾扈特汗渥巴錫及其

台吉策伯克多爾濟並舍楞等率其部眾三萬餘

戶來歸先期遣使至伊犁具書通款自言為阿玉

奇汗正系向居俄羅斯地久願為大皇帝臣僕而

無機可乘乃於去冬謀棄舊游牧挈屬內附因自

彼逸出行程萬千有餘里閱半年餘始抵卡倫乞

准令入覲以伸積誠渥巴錫等亦先後來至伊犁

察其詞意懇切郵函以聞先是安泰奏偵知土爾

扈特部內附信卽遣額駙色布騰巴爾珠爾往迎之今卽諭其偕渥巴錫等至山莊朝謁而舒赫德亦先所命由烏什馳往蒞其事者因令代伊勒圖爲將軍駐伊犁安輯新附之衆給以餼贍振其乏也授之牧地資其生也其汗及台吉宰桑至者將錫宴賚封爵秩而其部衆則量地分編以居聯其情亦渙其勢也蓋土爾扈特自入俄羅斯遠阻聲教越今幾六七十年乾隆丙子秋其汗敦噶布喇什雖曾使人入貢第宴而遣之茲乃不藉招致全

部內屬誠有不期然而然者且準噶爾自底定以來築城安屯無異中國郡縣今土爾扈特復隸我藩屬於是四衛拉特之衆盡撫而有之可謂盛矣然余履泰持盈之念彌以是爲兢兢而系之以詩紀實也其詳分注各句下此則毋庸覲縷矣

土爾扈特部昔汗阿玉奇今來渥巴錫

渥巴錫爲土爾扈特汗阿

玉奇之孫敦噶布喇什汗子也

明背俄羅斯向化非招致頒恩應博

施舍楞逃復返

平定伊犁時舍楞曾計害我副都統唐喀祿逃匿俄羅斯彼時向索取

而俄羅斯以土爾扈特舊係彼屬竟不送還今舍楞既棄彼來歸俄羅斯卽向我求索亦有辭折之然莫

若先以此意令典屬傳檄
示知尤見中國光明正大
彼亦合無辭

衛拉昔相忌攜孛往海濱
準曰都爾伯特曰和碩特

曰土爾扈特為四衛拉特
策妄阿拉布坦時與土爾

扈特構其汗阿玉奇統全
部西北去乃以輝特為

一部衛拉特而土爾扈地
終焉懷故土遂爾棄殊倫

特部遂居俄羅斯地
斯俄素

不奉佛土爾扈特在彼俗
尚不同知伊犁黃教振興

因思還歸故土且聞從前
投誠之都爾伯特部在此

得膺封爵榮業安居遂棄
其現弗受將為盜爾扈特

居之額濟勒游牧率屬內
附此罪逃去不宜與眾

來受其降余以彼既棄俄
羅斯而來若拒而不納彼

同無所歸必為盜掠非所
以寧非善全之計若俟

不來同行之眾或疑畏不
敢前殊示懷柔也彼既

悔罪既至執之罪之尤非
所以彰我寬仁而衛拉全

部既順又適瞻觀于此伊
綿者漢語會歸之意也無

臣並於此朝調因名斯峪
曰伊綿者漢語會歸之意也無

部歸順又適瞻觀于此伊
綿者漢語會歸之意也無

伊綿是地舊名布祜圖昂
阿乙亥布噶特歸化其使

致禮肄鴻臚合惠宣類已
全歸眾蒙古喀徵嘉兆信

通使曾經丙子年隆土爾
扈特汗敦噶布喇什曾于乾

錫率全部歸順更茲徠統
部不期然名編典屬非招

御製土爾扈特汗渥巴錫
等至伊綿峪朝謁詩以紀

無一不王臣
莫非王臣亦從來未有之
俾安皆我民從今蒙古類

事又何必過為顧慮哉
御製土爾扈特汗渥巴錫
等至伊綿峪朝謁詩以紀

事辛卯
通使曾經丙子年隆土爾
扈特汗敦噶布喇什曾于乾

錫率全部歸順更茲徠統
部不期然名編典屬非招

心蜀望猶初志丙子宴土爾扈特使臣詩有無心蜀望更勤遐之句蓋彼時土爾扈特猶

遠阻俄羅斯雖有嚮化之心無由徑達朕並未嘗稍存奢望即今渥巴錫等棄俄羅斯舉屬內附亦非有

藉招致而徠且準噶爾四衛拉特從此無不隸我臣僕尤始念所不及耳

天與欽承益鞏虔

御製萬樹園賜宴土爾扈特汗渥巴錫等即景成什

汗仍其舊號新綏餘各優封五等施渥巴錫乃其舊汗敦噶布喇什

之子本應襲汗者茲予封號曰卓里克圖汗其策伯克多爾濟封為親王舍楞班巴爾封為郡王餘則貝勒貝子各四公

契苾詎徒四百帳招搖那藉九夷旗

寧餽珍膳飽以德馬湏蟻醪醉不辭于古為稀今厚

幸

天恩

祖烈奉惟寅

御製土爾扈特全部歸順記

始逆命而終徠服謂之歸降弗加征而自臣屬謂之

歸順若今之土爾扈特攜全部捨異域投誠嚮化跋

涉萬里而來是歸順非歸降也西域既定興屯種於

伊犁薄賦稅於回部若哈薩克若布魯特俾為外圍

而羈縻之若安集延若拔達克山益稱遠徼而概置

之知足不辱知止不殆朕意亦如是而已矣豈其盡
天所覆至於海隅必欲悉主悉臣爲我僕屬哉而茲土
爾扈特之歸順則實

天與人歸有不期然而然者故不可以不記土爾扈特
者準噶爾四衛拉特之一其詳已見於準噶爾全部
紀畧之文溯厥始率亦荒畧弗可考後因其汗阿玉
奇與策妄不睦竄歸俄羅斯俄羅斯居之額濟勒之
地康熙年間我

皇祖聖祖仁皇帝嘗欲悉其領要令侍讀圖麗琛等假
道俄羅斯以往而俄羅斯故爲紆繞其程凡行三年
又數月始反命今之汗渥巴錫者卽阿玉奇之曾孫
也以俄羅斯征調師旅不息近且徵其子入質而俄
羅斯又屬別教非黃教故與合族台吉密謀挈全部
投中國興黃教之地以息肩焉自去歲十一月啟行
由額濟勒歷哈薩克繞巴勒喀什諾爾戈壁於今歲
六月杪始至伊犁之沙拉伯勒界凡八閱月歷萬有
餘里先是朕聞有土爾扈特來歸之信慮伊犁將軍
伊勒圖一人不能經理得宜時舒赫德以叅贊居烏

什辦回部事因命就近前往而畏事者乃以新來中

有舍楞其人曾以計誘害我副都統唐喀祿唐喀祿於戊寅

四月借厄魯特散秩大臣和碩齊率兵追捕逸賊至

布古什河源射舍楞弟勞章札布而擒之既而舍

楞至稱欲投誠請釋其弟唐喀祿雖許而疑其詐欲

先擒舍楞和碩齊云擒之無益不若招之使降越日

舍楞詭稱欲入覲且攜眾至唐喀祿益疑之

復言彼畏我兵威不敢動移曷親莅撫諭之唐喀祿

信其言從數人往既至和碩齊勸各解鞍去囊韃俄

頃變作唐喀祿遂遇害和碩齊即降賊尋擒獲伏誅

俄羅斯乃竄入因以竄投俄羅斯者恐其有詭計議論

沸起古云受降如受敵朕亦不能不為之少惑而畧

為備焉然熟計舍楞一人豈能聳動渥巴錫等全部

且俄羅斯亦大國也彼既背棄而來又擾我大國邊

界進退無據彼將焉往是則歸順之事十之九詭計

之伏十之一耳既而果然而舒赫德至伊犁一切安

汛設偵籌儲密備之事無不悉妥故新投之人一至

如歸且掄其應入覲者由驛而來朕即命隨圍觀獵

且於山莊宴賚如都爾伯特策凌等之例焉夫此山

莊乃我

皇祖所建以柔遠人之地而宴賚策凌等之後遂以平

定西域茲不數年間又於無意中不因招致而有土

爾扈特全部歸順之事自斯凡屬蒙古之族無不爲
我大清國之臣

神御咫尺有不以操先券閱後成愜

志而愉快者乎予小子所以仰答

祖恩益凜

天寵惴惴焉孜孜焉惟恐意或滿而力或弛念茲在茲
遑敢自詡爲誠所感與德所致哉或又以爲不宜受
俄羅斯叛臣虞起邊釁蓋舍楞卽我之叛臣歸俄羅
斯者何嘗不一再索取而俄羅斯訖未與我也今旣

來歸卽以此語折俄羅斯彼亦將無辭以對且數萬
乏食之人旣至近界毆之使去彼不劫掠畜牧將何
以生雖有堅壁清野之說不知伊犁甫新築城而諸
色人皆賴耕牧爲活是壁亦不易堅而野亦不可清
也夫明知人以嚮化而來而我以畏事而止且反致
寇甚無謂也其衆涉遠歷久力甚疲矣視其之死而
惜費弗救仁人君子所不忍爲况體

天御世之大君乎發帑出畜力爲優恤則已命司事之

臣土爾扈特部衆長途疲頓凍餒幾不能自存因命
舒赫德等分撥善地安置仍購運牛羊糧石以資

養瞻置辦衣裳廬帳俾得禦寒並為籌其
久遠資生之計令皆全活安居咸獲得所
茲不贅記

記事之緣起如右

御製土爾扈特部紀畧

事不再三精覈率據耳食以為實君子弗為也言不
求於至是已覺其失護己短而莫之改易君子弗為
也必知斯二者然後可以秉史筆以記千載之公是
公非余之為土爾扈特部之紀畧亦疊是而已土爾
扈特之初來也蓋嘗詠之詩載之記皆以為始自阿
玉奇汗溯而上之荒畧弗可考此亦述向之所聞者

而書之而不知其更有所祖非始自阿玉奇茲以其
麋至乃得一詳徵其實為之重記何必隱約弗明
以諱吾前言之未精覈哉阿玉奇之父曰棚楚克其
祖曰書庫爾岱青其曾祖曰和鄂爾勒克其高祖曰
卓立甘鄂爾勒克其高祖之父則曰貝果鄂爾勒克
自貝果鄂爾勒克溯而上之實遠不可徵其入俄羅
斯也則自阿玉奇之曾祖和鄂爾勒克於策妄之祖
巴圖魯渾台吉時其時四衛拉特各自為汗無所統
屬又不相和睦和鄂爾勒克因率其子書庫爾岱青

等至俄羅斯之額濟勒地其時阿玉奇尙在襁褓因
留巴圖魯渾台吉處後書庫爾岱青往西藏而回遂
向渾台吉索阿玉奇歸俄羅斯巴圖魯渾台吉爲阿
玉奇之外祖以時代計之適相當而阿玉奇汗時其
子散扎布台吉率所屬一萬五千餘戶往投策妄策
妄盡留其屬而逐散扎布歸額濟勒則向記所云阿
玉奇與策妄不睦亦未爲大誤也自貝果鄂爾勒克
至和鄂爾勒克皆單傳和鄂爾勒克有子六人一卽
書庫爾岱青餘三無子其二皆有子孫式微無足傳

書庫爾岱青子四二絕嗣其一曰那木策楞四傳而
至巴本巴爾今封郡王其一卽棚楚克四傳而至渥
巴錫今封汗棚楚克之子阿玉奇有子八人其六皆
無子嗣其一曰衮札卜有子嗣今之封親王策伯克
多爾濟者其曾孫也衮札卜乃渥巴錫之祖沙克都
爾札卜之親弟故其子孫爲渥巴錫近族與沙克都
爾札卜子孫皆隨渥巴錫而來其戶口之數已見前
記茲惟記其始祖所自出並證前之失精覈而未實
者至其重黃教置鄂拓克宰桑之類率同準噶爾但

具體而微蓋準噶爾之紀畧紀其全部之盛衰而茲
土爾扈特之紀畧則紀其世系之詳悉云爾

按西師之役五載蕝功始於都爾伯特部三
策凌之投誠而輝特和碩特綽羅斯諸部次
第內附復得久經他徙之士爾扈特部希風
仰流心傾踵接於是山北遐陬無尺土一民
不歸

皇化臣等恭讀

御製宴土爾扈特使臣及都爾伯特等先後投誠封

賚諸什並歸順記紀畧諸篇敬仰

聖謨廣大

睿旨淵沖本無意於并包自羣歸夫幬載而又軫其
未經出痘祇令肆

觀山莊凡宴賚

恩榮與內札薩克中外一眎至封爵自汗王以下如
御製所云汗號新綏優封五等者曠典隆儀皇哉煒
矣非甚盛德孰能當此而無憾者歟

前漢書匈奴傳右賢王犁汗王八日勒屋蘭番

和張掖太守屬國都尉發兵擊大破之屬國千
長義渠王騎士射殺犁汗王賜黃金二百斤馬
二百匹因封爲犁汗王日逐王素與握衍朐
鞬單于有隙卽率其衆數萬騎歸漢漢封日逐
王爲歸德侯呼韓邪單于左大將烏厲屈與
父呼遼累烏厲溫敦南降漢封烏厲屈爲新城
侯烏厲溫敦爲義陽侯呼韓邪單于款五原
塞朝天子於甘泉宮漢寵以殊禮位在諸侯王
上贊謁稱臣而不名初左伊秩訾爲呼韓邪

畫計歸漢竟以安定其後或讒伊秩訾自伐其
功常鞅鞅呼韓邪疑之左伊秩訾懼誅將其衆
千餘人降漢漢以爲關內侯食邑三百戶令佩
其王印綬王莽之篡位也建國元年多齎金
帛重遺單于諭曉以受命代漢狀因易單于故
印故印文曰匈奴單于璽更曰新匈奴單于章
西域都護但欽上書言匈奴南將軍右伊秩訾
將人衆寇擊諸國莽於是大分匈奴爲十五單
于招誘呼韓邪單于諸子欲以次拜之使譯出

塞誘呼右犁汗王咸。咸子登助三人。至則脅拜咸爲孝單于。拜助爲順單于。傳送助登長安。咸旣受莽。孝單于之號。馳出塞歸庭。具以見脅狀。白單于。單于更以爲於粟置支侯。匈奴賤官也。後助病死。莽以登代助爲順單于。是時匈奴數爲邊寇。捕得虜生口。驗問。皆曰孝單于。咸子角數爲寇。兩將以聞。四年。莽會諸蠻夷。斬咸子登于長安市。天鳳二年。歸前所斬侍子登。及諸貴人從者喪。多遺單于金珍。因諭說改其號。號匈奴

奴曰恭奴。單于曰善于。賜印綬。封骨都侯。當爲後安公。當子男奢爲後安侯。單于貪莽金幣。故曲聽之。然寇盜如故。當至長安。莽拜爲須卜單于。更始二年。漢遣中郎將歸德侯颯。大司馬護軍陳遵使匈奴。授單于漢舊制璽綬。王侯以下印綬。西域傳。初楚主侍者馮嫪號馮夫人。爲烏孫右大將妻。右大將與烏就屠相愛。都護鄭吉使馮夫人說烏就屠。以漢兵方出。必見滅。不如降。烏就屠曰。願得小號。宣帝詔詣長羅侯赤谷

城立元貴靡爲大昆彌。烏就屠爲小昆彌。皆賜印綬。烏就屠死。子拊離代立。爲弟日貳所殺。漢遣使者立拊離子安日爲小昆彌。後安日爲降民所殺。漢立其弟末振將代。時大昆彌雌栗靡。小昆彌末振將刺殺雌栗靡。漢欲以兵討之。而未能。遣中郎將段會宗立雌栗靡季父公主孫伊秩靡爲大昆彌。至元始中。卑爰寔殺烏日領以自效。漢封爲歸義侯。

後漢書西域傳和帝永元八年。戊己校尉索頽。

欲廢後部王涿鞬。立破虜侯細致。涿鞬反擊尉

卑。

車師前王名。

明年。漢遣將兵長史王林討涿鞬。涿

鞬入北匈奴。漢軍追擊斬之。立涿鞬弟農奇爲

王。順帝永建元年。勇

長史班勇。

率後王農奇子加特

奴及八滑等。發精兵擊呼衍王。破之。勇於是上

立加特奴爲後王。八滑爲後部親漢侯。永興元

年。車師後部王阿羅多走北匈奴中。敦煌太守

宋亮上立後部故王軍就質子卑君爲後部王。

後阿羅多還。戊校尉閻詳許復爲王。乃詣詳降。

於是收奪所賜卑君印綬。更立阿羅多爲王。南
匈奴傳永元七年。封蘇拔廆爲率衆王。又賜金
帛。

唐書突厥傳貞觀四年。頡利走保鐵山。請內屬。

靖時李靖爲節度使。討頡利。襲擊之。盡獲其衆。頡利得千里

馬。獨奔沙鉢羅。行軍副總管張寶相禽之。至京
師館于太僕。八年。頡利死。贈歸義王。諡曰荒。
突利請入朝。突利至。禮見良厚。輟膳以賜之。拜
右衛大將軍。封北平郡王。食戶七百。及爲都督。

太宗敕曰。而祖啟民破亡。隋則復之。棄德不報。
而父始畢。反爲隋敵。爾今窮來歸我。所以不立
爾爲可汗。鑒前敗也。我欲中國安爾宗族不亡。
故授爾都督。長爲我北藩。突利頓首聽命。後入
朝死。子賀邏鶻嗣。帝幸九成宮。突利弟結社率
謀反。禽斬之。赦賀邏鶻投嶺外。乃立阿史那思
摩爲乙彌泥孰俟利苾可汗。賜氏李。樹牙河北。
悉徙突厥適故地。思摩。頡利族人。武德初。數
以使者來。封和順郡王。太宗授右武侯大將軍。

化州都督。統頡利故部。居河南。徙懷化郡王。又
詔左屯衛將軍阿史那忠爲左賢王。左武衛將
軍阿史那泥孰爲右賢王。相之。雲中者。義成
公主所居也。頡利滅。李靖徙突厥羸破數百帳
居之。以阿史德爲之長。衆稍盛。卽建言願以諸
王爲可汗。遙統之。帝曰。今可汗古單于也。乃改
雲中爲單于大都護府。以殷王旭輪爲單于都
護。默啜自立爲可汗。契丹李盡忠等反。默啜
請擊賊自效。詔可。授左衛大將軍歸國公。册拜

遷善可汗。乃引兵擊契丹。會盡忠死。襲松漠部
落。后美其功。册默啜爲特進頡跌利施大單于
立功報國可汗。高麗莫離支高文簡與跋跌
都督思太。吐谷渾大酋慕容道奴。郁射施大酋
鶻屈頡斤。苾悉頡力。高麗大酋高拱毅。合萬餘
帳相踵款邊。詔內之河南。引拜文簡左衛大將
軍。遼西郡王。思太。特進右衛大將軍兼跋跌都
督樓煩郡公。道奴。左武衛將軍兼雲中郡公。鶻
屈頡斤。左驍衛將軍兼刺史陰山郡公。苾悉頡

力。左武衛將軍兼刺史雁門郡公。拱毅。左領軍
衛將軍兼刺史平城郡公。苾伽骨咄祿可汗。
使右金吾衛將軍李質持册爲登利可汗。西
葉護阿布思及葛臘哆降。以葛臘哆爲懷恩王。
毗伽可汗妻骨咄祿婆訶可敦率衆自歸。封可
敦爲賓國夫人。西突厥傳。江都亂。曷薩那從宇
文化及至黎陽。遁歸長安。高祖降榻與共坐。封
歸義王。闕可汗即歸義王弟有馬三千。武德元年内
屬。賜號吐烏過拔闕可汗。伽那設旣立。遣使

詣闕。不敢當可汗號。帝詔鴻臚少卿劉善因持
册號吞阿婁拔利邨咄陸可汗。弩失畢大會。
迎伽那設之子畢賀咄葉護立之。是爲乙毗沙
鉢羅護葉可汗。太宗詔左領軍將軍張大師持
節册命。賜鼓纛。賀魯已滅。裂其地爲州縣以
處諸部。以阿史那彌射爲興昔亡可汗。兼驃騎
大將軍崑陵都護。領五咄陸部。阿史那步眞爲
繼往絕可汗。兼驃騎大將軍濛池都護。領五弩
失畢部。以光祿卿盧承慶持册命之。阿史那彌

射。貞觀中遣使者持節立爲奚利邲咄陸可汗。從帝征高麗有功。封平壤伯。遷右武衛大將軍。及平賀魯。乃與步真皆爲可汗。其後二部人日離散。遂擢彌射子元慶爲左玉鈐衛將軍。步真子步利設斛瑟羅爲右玉鈐衛將軍。盡襲父領。及可汗號。元慶累拜鎮國大將軍。行左威衛大將軍。武后擅命。率諸蕃長請賜。睿宗氏曰武。更號斛瑟羅爲竭忠事主可汗。聖歷二年。以斛瑟羅爲左衛大將軍兼平西軍大總管。內遷尋死。

長安。擢子懷道爲右武衛將軍。長安中以阿史那爲右驍衛大將軍。襲興昔亡可汗。安撫招慰十姓。大使北廷大都護。四年。以懷道爲十姓可汗。兼濛池都護。未幾。擢獻元慶子磧西節度使。突騎施吐火仙之敗。始以懷道子昕爲十姓可汗。開府儀同三司。濛池都護。册其妻涼國夫人李爲交河公主。突騎施烏質勒。西突厥別部也。聖歷二年。遣子遮弩來朝。神龍中封懷德郡王。是歲烏質勒死。其子嗚鹿州都督婆葛爲左驍

衛大將軍襲封爵。突厥別種車鼻施啜蘇祿者。開元五年始來朝。授右武衛大將軍。突騎施都督節拜蘇祿左羽林大將軍。順國公進號忠順可汗。於是大首領莫賀達干都摩支二部方盛。攻蘇祿殺之。立蘇祿子吐火仙骨啜爲可汗。磧西節度使蓋嘉運率石王史王共擊破之。吐火仙棄旗走。禽之。拔汗那諸國皆降。處木昆匐延闕律啜等諸部皆上書謝。明年擢闕律啜爲右驍衛大將軍。册石王爲順義王。加拜史王爲

特進。嘉運俘吐火仙骨啜。天子赦以爲左金吾衛員外大將軍。修義王回鶻傳回鶻酋胡祿俟利發吐迷度遣使者獻款。於是鐵勒十一部皆來。乃拜吐迷度爲懷化大將軍。瀚海都督。然私自號可汗。兄子烏紇夜切殺之。擢其子婆閏左驍衛大將軍。襲父所領。骨咄祿毗伽闕可汗。天子以爲奉義王。拜骨咄祿毗伽闕懷仁可汗。裴羅骨咄祿毗伽又攻殺突厥白眉可汗。拜左驍衛員外大將軍。裴羅死。子磨延啜立。號葛勒

可汗。肅宗卽位。助討安祿山。詔進司空爵忠義王。乾元元年。册磨延啜爲英武威遠毗伽可汗。次子移地健立。號牟羽可汗。代宗卽位。助天子討賊。進收東都。河北悉平。册可汗曰頡咄登車骨啜密施合俱錄英義建功毗伽可汗。可敦曰娑墨光親麗華毗伽可敦。又以左殺爲雄朔王。右殺寧朔王。胡祿都督金河王。拔覽將軍靜漠公。十都督皆國公。可汗欲悉師向塞。宰相頓莫賀擊殺之。自立爲合骨咄祿毗伽可汗。建中元年。

節册頓莫賀爲武義成功可汗。咸安公主下嫁。册書拜可汗爲汨咄祿長壽天親毗伽可汗。公主爲智慧端正長壽孝順可敦。貞元五年。可汗死。子多邏斯立。册拜愛登里邏汨沒密施俱錄毗伽忠貞可汗。爲少可敦葉公主毒死。可汗之弟乃自立。其大臣率國人共殺篡者。以可汗幼子阿啜嗣。詔册阿啜爲奉誠可汗。十一年。可汗死。無子。國人立其相骨咄祿爲可汗。以使者來。詔册拜愛滕里邏羽錄沒密施合胡祿毗伽懷

信可汗。永貞元年。可汗死。詔册所嗣爲滕里野合俱錄毗伽可汗。無幾。可汗死。册拜愛登里羅。汨密施合毗伽保義可汗。可汗死。使者臨册所嗣爲登囉羽錄沒密施句主毗伽崇德可汗。以太和公主下降。册拜爲仁孝端麗明智上壽可敦。可汗死。其弟曷薩特勒立。遣使者册爲愛登里囉。汨沒密施合毗伽昭禮可汗。太和六年。爲其下所殺。從子胡特勒立。明年。册爲愛登里囉。汨沒密施合句錄毗伽彰信可汗。 嗚沒斯率

三部。及特勒大會二千騎。詣振武降。詔拜嗚沒斯爲右金吾衛大將軍。爵懷化郡王。以天德爲歸義軍。卽拜歸義軍使。阿歷支寧邊郡公。習勿啜昌化郡公。烏羅思寧朔郡公。並爲冠軍大將軍。左威衛大將軍。愛邪勿寧塞郡公。爲右領軍大將軍。皆賜李氏。又宣宗務綏柔荒。遠遣使者。抵靈州省。其酋長回鶻。因遣人隨使者來京師。帝卽册拜嗚祿登里囉。汨沒密施合俱錄毗伽懷建可汗。乙失鉢孫曰夷男。諸姓多歸之者。共

推爲主。夷男不敢當。明年太宗册拜爲眞珠毗伽可汗。葛祿之在金山北廷者。自立葉護。歲來朝。久之。葉護頓毗伽縛突厥叛。會阿布思進封金山郡王。

按史傳魯魚之譌本夥。重以譯音茫昧。審証尤難。如此傳載可汗號登里之與滕里。羅之與囉邏。羽之與俱。汨之與骨。密之與蜜。俱錄之與句錄。胡祿卽一名而參錯紛岐若此。要之字殊義一。且流刊久遠。姑仍原文。錄以備

考。

沙陀傳龍朔初。以處月酋沙陀金山。從武衛將軍薛仁貴討鐵勒。授墨離軍討擊使。長安二年。進爲金滿洲都督。累封張掖郡公。金山死。子輔國嗣。開元二年。封其母鼠尼施爲鄯國夫人。輔國累爵永壽郡王。死。子骨咄支嗣。從肅宗平安祿山。拜特進驍衛上將軍。死。盡忠嗣。累遷金吾衛大將軍。酒泉縣公。貞元中。附吐蕃。久之。與朱邪執宜謀款靈州塞。盡忠弟葛勒阿波。率殘部

七百。叩振武降。授左武衛大將軍。兼陰山府都督。執宜朝長安。授特進金吾衛將軍。執宜死。子赤心嗣。賜氏李。名國昌。預鄭王屬籍。子克用討黃巢。收京師。功第一。進中書門下平章事。隴西郡公。尋位檢校太傅。隴西郡王。大順初。削克用官爵屬籍。克用奉表自陳。乃復拜檢校太師守中書令。隴西郡王。討王行瑜。行瑜死慶州。傳首京師。帝悉論幕府官屬及諸子功封爵之。克用賜號忠貞平難功臣。進封晉王。

唐宗皇帝按準部四衛拉特地。于漢屬匈奴右方。及烏孫國車師後王國。於唐爲突厥西突厥沙陀地。茲考漢詔封單于。類順彼國臣民之請。唐時山北受封諸突厥。或移內地。或助討賊。而盡畫疆分土之舊自若。實未能隸版籍而臣僕之。不過遙錫封號以相羈縻而已。之由愈映國家販章式廓。單于可汗之庭。咸歸內地。於外域輸誠伊始。優

錫榮封。感動殊俗。傾心內面。接踵相繼。狡詐者自卽

誅夷。忠謹者永承。

恩眷。至休養十數年。仁風普揆。不阻幽遐。久羈異域。之部。挈全族以來歸。萬里閨闔。應同桴鼓。爲遞稽典屬之姓氏。推驗存亡興替之由。愈知盛世懷柔。迥非往代遣行人持使節。虛應冊封故事者可比。而於蒙古諸部。不遺一類。並入鈞陶。尤亘古未有之盛軌矣。

欽定皇輿西域圖志卷之三十七

